## ПАСТДАРҒОМ ТУМАНЛАРАРО ИҚТИСОДИЙ СУДИ

## Ўзбекистон Республикаси номидан Хал қилув қарори

06.06.2024 йил

Пастдарғом тумани

Пастдарғом туманлараро иқтисодий суди, судья Л.Асатов раислигида, судья ёрдамчиси Д.Хайруллаева суд мажлиси котиблигида, Ўзбекистон фермер, деҳқон ҳўжаликлари ва томорқа ер эгалари Пастдарғом тумани Кенгашининг даъвогар — «Sarbon-NE» фермер ҳўжалиги (бундан буён матнда ф/х деб юритилади) манфаатида жавобгар — «Samarqand kamalak invest tekstil» масъулияти чекланган жамияти (бундан буён матнда МЧЖ деб юритилади)га нисбатан берган даъво аризаси бўйича ишни суд биносида, очиқ суд мажлиси муҳокамасида, даъвогар вакили Э.Наврўзов (раҳбар) иштирокида кўриб, қуйидагиларни,—

## аниклади:

Ўзбекистон фермер, деҳқон хўжаликлари ва томорқа ер эгалари Пастдарғом тумани Кенгаши даъвогар — «Sarbon-NE» ф/х манфаатида жавобгар — «Samarqand kamalak invest tekstil» МЧЖга нисбатан судга даъво аризаси билан мурожаат қилиб, жавобгардан даъвогар фойдасига 278 229 651 сўм ва 34 000 сўм почта харажатларини ундиришни сўраган.

Суд мажлиси мухокамасида иштирок этган даъвогар вакили даъвони кўллаб-кувватлаб, иш бўйича тушунтириш бериб, даъвони тўлик каноатлантиришни сўради.

Суд мажлиси мухокамасида жавобгар вакили иштирок этмади. Суд Ўзбекистон Республикаси Иктисодий процессуал кодекси 170-моддасига мувофик ишни унинг иштирокисиз, ишдаги мавжуд хужжатлар асосида кўриб, мазмунан ҳал этишни лозим деб топди.

Суд ишдаги хужжатларни ўрганиб, даъвогар вакили тушунтиришини тинглаб, далилларга бахо бериб, куйидагиларга мувофик даъвони тўлик каноатлантиришни лозим деб топди.

Ишдаги хужжатлардан ва суд жараёнида аникланишича, «Sarbon-NE» ф/х (Хўжалик) ва «Samarqand kamalak invest tekstil» МЧЖ (Харидор) ўртасида 15.03.2021 йилда пахта хом ашёси харид килиш бўйича 266-сонли фьючерс шартномаси тузилган.

Шартноманинг 1.1-бандида «Хўжалик» 2021 йилнинг бизнес-режасига асосан 168,8 гектар ер майдонидан «Бухоро-102» навли, 368,4 тонна пахта хом ашёсини «Харидор» га етказиб бериш, «Харидор» эса ушбу махсулотни келишилган муддатларда қабул қилиб олиш ва муайян нарх бўйича ҳақини тўлаш мажбуриятини ўз зиммасига олиши белгиланган.

Шартномага асосан даъвогар – «Sarbon-NE» ф/х томонидан жавобгарга 2021 йил хосили учун 308 117 кг пахта хом ашёси топширилган.

Ўзбекистон Республикаси Вазирлар Маҳкамасининг «Мавжуд ер ресурсларидан самарали фойдаланиш тўғрисида»ги 04.03.2021 йилги 121-сонли қарорининг 8-иловасига мувофиқ Бухоро – 6, Бухоро – 8, С-6525, Наманган – 77, Бухоро – 102 селекцион навларига 2021 йилда 2021 йилда кутилаётган

минимал нархларга нисбатан 1,15 фоиз рағбатлантирувчи коэффициент тўлаш назарда тутилган.

Аникланишича, даъвогар жавобгарга ҳисобварақ-фактураларга биноан 308 117 кг «Бухоро-102» селекцион навли пахта хом ашёсини етказиб берган.

Қабул қилиб олинган маҳсулотнинг суммаси, миқдори ва нави юзасидан жавобгар томонидан даъвогарга эътироз билдирилмаган.

Шундай бўлса-да, жавобгар томонидан даъвогарга 121-сонли Қарор талабларидан келиб чиқиб, 1,5 фоиз рағбатлантирувчи коэффициент тўлаб берилмаган.

Шу боис, даъвогар Қарорда белгиланган рағбатлантирувчи коэффициентни тўлаб бериш лозимлиги юзасидан жавобгарга мурожаат килган.

Мазкур ҳолатда Ўзбекистон Республикаси Вазирлар Маҳкамасининг қарори норматив-ҳуқуқий ҳужжат ҳисобланиши ҳамда унда белгиланган қоидалар умуммажбурий ҳарактерга эга эканлигидан келиб чиқиб, Қарорда белгиланган рағбатлантирувчи коэффициентни ундириш талаби асосли ҳисобланади.

Ўзбекистон Республикаси Фуқаролик кодекси 236-моддасига кўра мажбуриятлар мажбурият шартларига ва қонунчилик талабларига мувофиқ, бундай шартлар ва талаблар бўлмаганда эса — иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак;

465-моддаси 1-қисмига кўра контрактация шартномасига мувофик кишлок хўжалиги махсулотини етиштирувчи кишлок хўжалиги махсулотини кайта ишлаш ёки сотиш учун бундай махсулотни харид киладиган шахсга — тайёрловчига шартлаштилган муддатда топшириш (топшириб туриш) мажбуриятини олади, тайёрловчи эса бу махсулотни кабул килиш (кабул килиб туриш), унинг хакини шартлашилган муддатда белгиланган бахода тўлаш (тўлаб туриш) мажбуриятини олади.

Даъвогарнинг жавобгардан 278 229 651 сўм (рағбатлантирувчи коэффициент) ундириш тўғрисидаги даъво талаби ишдаги ҳужжатлар билан тасдиқланади.

Ўзбекистон Республикаси Иктисодий процессуал кодекси 118-моддасига харажатлари иштирок шахсларнинг ишда ЭТУВЧИ биноан суд қаноатлантирилган даъво талаблари микдорига мутаносиб равишда уларнинг зиммасига юклатилади. Давлат божи тўлашдан озод қилинган давлат органлари хамда бошқа шахслар томонидан юридик шахслар ва фукароларнинг манфаатларини кўзлаб такдим этилган даъво талабларини каноатлантириш рад этилган ёки улар қисман қаноатлантирилган тақдирда, давлат божи манфаатлари кўзланиб даъво такдим этилган шахслардан даъво талабларининг қаноатлантирилиши рад этилган қисмига мутаносиб равишда ундирилади.

Бундай ҳолатда, суд, ишдаги ҳужжатларни ўрганиб, даъвогар вакили тушунтиришини тинглаб, далилларга ҳуқуқий баҳо бериб, даъвони тўлиқ ҳаноатлантиришни, жавобгар — «Samarqand kamalak invest tekstil» МЧЖ ҳисобидан даъвогар — «Sarbon-NE» ф/х фойдасига 278 229 651 сўм (рағбатлантирувчи коэффициент) ва 34 000 сўм почта харажатларини ундиришни, давлат божини жавобгар ҳисобидан ундиришни лозим деб топди.

Юқорида баён этилганларга кўра, Ўзбекистон Республикаси Иқтисодий процессуал кодекси 118,176-179,186-моддаларига амал қилиб, суд,-

## қарор қилди:

Даъво тўлик каноатлантирилсин.

Жавобгар – «Samarqand kamalak invest tekstil» МЧЖ хисобидан даъвогар – «Sarbon-NE» ф/х фойдасига 278 229 651 сўм (рағбатлантирувчи коэффициент) ва 34 000 сўм почта харажатлари ундирилсин.

Жавобгар — «Samarqand kamalak invest tekstil» МЧЖ хисобидан республика бюджетига 5 564 593,02 сўм давлат божи ундирилсин.

Хал қилув қарори қонуний кучга киргач ижро варақалари берилсин.

Хал қилув қароридан норози бўлган томон бир ой муддатда шу суд орқали Самарқанд вилоят судига апелляция тартибида шикоят беришга (протест келтиришга) ҳақли.

Раислик қилувчи

Л.Асатов

